

民國文獻資料叢編

民國
舊體詩詞
期刊三種

南江濤
選編



國家圖書館出版社

南江濤 選編

民國舊體詩詞期刊三種

第六冊

國家圖書館出版社

北京餘園詩社 輯

雅言

庚辰卷六——辛巳卷二

北京：雅言社，1940.7—1941，鉛印本

第六冊目錄

雅言	庚辰卷六	一九四〇年七月	一
雅言	庚辰卷七	一九四〇年八月	七七
雅言	庚辰卷八	一九四〇年九月	一四七
雅言	庚辰卷九	一九四〇年十月	二一一
雅言	庚辰卷十	一九四〇年十一月	二七九
雅言	庚辰卷十一	一九四一年一月	三三七
雅言	庚辰卷十二	一九四一年二月	三九一
雅言	辛巳卷一	一九四一年	四四三
雅言	辛巳卷二	一九四一年	五〇九

雅言

集漢張遷碑

庚辰卷六

雅言卷六目錄

詩錄

遺詩

詞錄

文錄

槐軒叢考

連載

竹軒脞錄

連載

國花堂補花圖卷題詠集

圖書象辭外圖參同契

竹神龜鏡

對神龜鏡

文淵

圖經

意苑

雜錄

易言卷六目錄

易言卷六目錄

叙例

永歌言志。肇自虞書。緝頌刪詩。昉乎公旦。歲歷緜暖。條流遂紛。斧藻羣言。厥惟蕭選。古詩之賦。全取其名。衆制之中。兼包各體。凡事出沈思。義歸翰藻。皆與篇什雜而集之。後世總集。濫觴於此。間氣英靈八種。選自唐賢。羣公衆芳。諸編行於宋代。河間四庫。嗤爲標榜之先驅。邇上題襟。謂補前人之墜典。臧否雖殊。別裁則一。今之雜誌。具體而微矣。乃者歲當龍尾。家握蛇珠。性靈多陶冶之資。聲氣叶應求之雅。草堂雲壑。與世相忘。吟社月泉。其人宛在。加以西崑南嶽。並著倡酬。北地東溟。爭圖主客。元音所萃。正軌斯存。不有縹囊。曷羅緗帙。爰成小牘。冀蔚鉅觀。甄采限於時流。蒐討及乎故事。遺編可錄。類沅湘耆獻之徵。名下非虛。傳湖海詩文之作。爲疏短引。略紀大凡。

一是編爲北京餘園詩社所輯。洙泗之教。詩與書禮。並屬雅言。而詩爲稱首。故以雅言標目。

一是編雖以詩爲主。但有專門以盡其長。亦宜博涉以昭其趣。凡題跋遊記之屬。有資考古。不厭多聞。如有佳文。亦當采錄。

一自來別集編次。皆詩先於文。茲從其例。以篇什居先。文辭列後。

一是編所錄。多屬時賢。詩與史通。不嫌斷代。文以會友。當有同情。

一是編詩文。雖限時賢。然或掌故記述。事物源流。亦須兼采前脩之作。以資商榷。

一是編自庚辰年正月起。月刊一冊。年爲十有二冊。如有鴻篇鉅製。可單行者。隨時別出。用爲特刊。

詩錄

續有得五首

枝巢

村犬吠衣冠。桀犬亦吠堯。所習皆可親。非類輒譙嘲。蹶聖柳下愚。殤壽彭錢夭。定名世。有文字。非不祧。燔書坑諸儒。祖龍信雄梟。金絲出孔壁。暴主不能驕。

其一

害蟲蝕嘉樹。枝葉逡巡枯。可惜廣畝蔭。黃落在斯須。病葉帶蟲飛。枯枝蟄蟲居。樵人爲掇拾。一一歸庖厨。朝來爨下烟。蟲樹同一鑪。害者與所害。併盡嗟何如。

其二

食卵勿割雞。剪毛勿剗羊。鷄蕃卵復生。羊存毛更長。可憐桑孔輩。自謂析毫芒。取盈快一時。百年乃遺殃。天地有大德。唯生不宜戕。生物物生我。此義宜參詳。

其三

古聖制文字。視察窮秋毫。雨粟鬼夜哭。川嶽爲動搖。後世有細人。予知乃自豪。

隸書便胥徒。急就成趙高。欲自文其陋。作僞心徒勞。不如蟲與雁。篆樹排青霄。
其四

士生三代下。唯恐不好名。名亦有美惡。乃因是非成。倫理今並廢。是非曷由生。
本實既先撥。其賓復何爭。是故今後生。涇渭殊難明。慎哉老成人。努力爲典型。
其五

題淮安徐賓華丈遺墨及所著味靜齋集

枝巢

我年二十餘。扁舟過袁浦。訪古淮陰橋。搖夢長淮艫。此邦盛名德。作者每心數。
惜哉不並時。四農與通甫。似聞徐先生。繼起張旗鼓。室邇嗟人遐。振鐸在徐土。
悠悠四十年。無分接芝宇。何期味靜集。垂老乃一覩。讀之廢寢餐。如聞座揮麈。
爲學根道要。剛柔慎茹吐。公文薄宗派。唯以情性主。迫天或養天。發即中規矩。
吟聲出金石。不懈及於古。器識餘於詩。自喻非虛語。海內數通人。此老亦鉅拇。
聲華何寂寥。鸞鶴自高舉。苜蓿照闌干。名山臥風雨。淮海推大師。道伸時則侮。

淵明責端俟。杜陵誠宗武。厚德蓄高門。貽謀在堂廡。後賢珍手澤。遠過杯捲撫。張壁皆琳瑯。徵題及鈍魯。鰥生臥枝巢。文獻頗有取。願言識遺墨。拜此靈光魯。

無錫楊母龔太恭人百歲紀念詩

蟄人

錫山峨峨高。上有千歲柏。惠泉漱其根。終古潤靈脈。猗歟楊氏母。間氣冠巾幘。家秉鹿門規。來嬪鱸堂客。孝敬出天性。服勞無寸隙。封股事威姑。至誠剖肝膈。夫子有遠志。期奮青雲翮。辛苦自持門。婦能兼子責。方冀紫泥封。遽困黃楊厄。淒淒鵲聲悲。茫茫泉壤隔。熒熒一燈青。耿耿孤月白。楹書待誰讀。四顧天地窄。疾風撼弱艸。疇能當此阨。惟母秉堅貞。生死固不易。采茶甘若薺。遑恤水與蘖。終歲勞機杼。竟夜響刀尺。作德心日休。惟勤斯有獲。以彼銖寸資。竟忘生事迫。恤嫠恒散財。睦鄰每助麥。倘築懷清臺。差許共標格。俯仰既無慚。蚤暮念先澤。剪桐抱孫枝。俾用保宗祏。霜露薦莖芬。顯承永無斁。畢生蒙艱貞。鑒觀自昭赫。古來大年人。寧能壽以百。獨令享期頤。從容始易簪。乃知天祐善。貧富固無擇。

晚近民德衰。澆漓等蠻貊。我獲聞懿行。慨然手加額。欽此歲寒身。薄俗賴鞭策。敢告彤史氏。毋忘書簡冊。

嘉魚劉仁甫三月三日。召飲禊園。分韵得正字。

娟淨

秋菊迹已陳。春花事彌盛。君胡得此園。經營發佳興。所至必種蒔。以花爲性命。

西涯詩龔鄰。精爽動高詠。和唱綠窗人。元傳若金之夫。人有綠窗吟稿。性情得其正。昨歲移居

篇。頗足起予病。

前寫示移居詩。以病未克和。

今茲爲禊飲。入門香光勝。桃杏已爛開。海棠方

待聘。有如隊仙姝。迎客干妝靚。十畝桑者閑。衆香佛國淨。出幽而遷喬。流鶯煩

三請。桔槔自灌園。曾無機事競。門外東風狂。護惜要堅定。花前不能醉。感時慚

獨醒。綠陰行漸成。嘉果尤堪飮。携筇當頻來。常記來時徑。重陽就菊花。後約還

期更。

蟠龍丈人行並引

坡隣

傳申甫年丈。繪海州雲臺山三元宮古松。宋徐仲車以爲三代松也。顧

若波爲題蟠龍丈人四字。沅叔同年屬題。

漢栢唐槐赫千載。猶遜杏壇植周檜。豈知尙有古時松。法物居然是三代。仲車之說北宋存。上眎之界秦東門。不知嬴秦以前幾何世。留此孤幹撐乾坤。未偕鉛石入禹貢。又難楹枘隨湯孫。支離天全生使獨。結成萬古虬龍形。論松動輒千百尺。此獨不滿六尺如晏嬰。畫松放筆爲直幹。此乃專車骨節一畝橫。南枝向暖如嚮明。跋烏下燭垂陽精。權奇爪鬣發光怪。匠石縱到不敢捫。北枝森然如積鐵。上有陰厓歷霜雪。玉爲鱗甲散滿身。不愁野戰元黃血。東伸一臂常山蛇。雲氣隨出飛衙衙。西如洞壑益幽邃。繁條偃蓋紛盤拏。蟻珠九曲各穿穴。蜃樓疊起相要遮。陶文毅詩序有蜃樓虬戶之喻。落落盤踞雲臺下。不羨徂徠與嵩華。蟄藏好待天地春。偃蹇幸遭斤斧赦。東坡句斤斧何曾赦。錢龍。江安丈人中人中龍。游踪偶憩三元宮。觀此有觸塊磊胸。伸紙吐氣如長虹。畢宏韋偃皆下風。巾屨松下高山翁。歸植玉淵二萬松。蒼髯赤甲付長公。長留元氣青濛濛。更千萬世無終窮。

鐔石先生中盤五松圖

錢孫

盤山古松今在無。吾猶及見公能圖。圖成荏苒閱人代。兩痕墨跡春霑濡。煌煌惇史表巡幸。北臨瀚海南江湖。馮扶輔郡近咫尺。山靈歲歲迎轡輿。松壽那復知其紀。自相爲仇山之隅。登封屢蔭漢天子。拜爵共薄秦大夫。枝樛葉覆恣旁薄。鳳有羽翼龍髯鬚。入深出險證公畫。雖欲憖置松舍諸。二百年後落吾手。因公念松屋及烏。橋山萬木此爲長。赤椿白椿千百株。風詩枉自戒剪伐。神靈不復呵樵蘇。况茲蒼官分疏逃。安有黛色廻榛蕪。高原桑蠹液柳仆。摧折至此良區區。盤桓不入元亮徑。變怪偶寄長康厨。願公乞我剎那頃。濃翠晝罨城西廬。春融策蹇訪遺跡。見似而喜當何如。

題元刻伯生詩續編

錢孫

道園手定學古錄。晚歲詩篇散珠玉。杜家孫子綴遺稿。詩後孤行更其續。日新劉氏乃誰某。歲月仍書至元後。老蟬不化七百年。紙香爵發墨光厚。藍綾罽護

蝴蝶裝。當年未入秀野堂。縱譌出塞詠金馬。已窺巖藪搜琳瑯。漢廷老吏驚人句。精爽叢殘默呵護。長恩豈屑百里腰。咫尺嫺嫺不忘故。宋槩論千元論百。況此青箱重先澤。更有堯翁題字在上頭。嚴護深藏壓球壁。

題崇陵補樹圖

味雲

檟枯蕭蕭北風怒。蒼鼠跳踉赤狐舞。魚燈黯澹照靈旗。楓林月黑山精語。衣冠已改原廟遷。寂寞珠邱一坏土。茸帽麻鞋下馬來。有人拜掃紅牆路。憶昔海寓昇平餘。先臣侍直承明廬。玉棺下降金輿出。考卜曾獻橋山圖。一朝宮闕生烟霧。手裂朝冠文誓墓。舊業惟存南郭田。歸魂猶戀西陵樹。敢塗草草閉玄堂。石馬無聲對夕陽。翠柏凋疏馳道壞。青槐寥落寢園荒。名家忠孝承先志。親謁神宮翦荆杞。補種長松十萬株。寶城鬱鬱添佳氣。嗚呼麥飯冬青故國春。銀鳧金雁總成塵。櫻桃不薦園官果。楊柳惟充塚卒薪。零落龍髯傷墮劍。蕭條獺尾痛攀輪。披圖忍話先朝事。我亦荒山荷鍾人。

余亦曾從監修。